


Kinniget d'am muia karet.



MA DOUSIK KOANT

AR YEODET (BOCHER)

Gand he c'hoef digor d'ann avel,
Hî oa e-ghíz eun durzunel,
Pa'nem zispleg he diou askel.



Er vourc'h, goude ar gousperô,
Ann holl a lâre, trô-var-drô :
« Houn-nez eo flouren ar vrô ! »

(BRIZEUK)



Ma Dousik Koant

× × × ×

D'am muian karet.

Kanet em euz war ma zelen entanet
 Ma Breiz-Izel,
He giziou fur, he zent koz, he zud vrudet,
 He yez santel;
Hirie da stenna stard d'ezzi he c'herden,
 Me am euz c'hoant
Ha kana warni dre eur zonik laouen
 Ma dousik koant ! (*diou wech*)



Ma dousik koant ! N'euz plac'h abed evelti
 War an douar,
Evit kredi eo red gwelet anezi,
 Bleuen dispar !
Diwanet kaer en eun draoniennik a Vreiz,
 Ha hi ken drant,
Eno he kav heol ha gliz-veure a-leiz,
 Ma dousik koant ! (*diou wech*)

Ma dousik koant ! Henvel eo deuz eun aelik,
Dous ha tener . . .
He daoulagad zo glaz, lirzin, birvidik,
Dalc'hmad seder,
He zellou dôn leun a spi, a garante
Zo eur zeblant
Dimeuz kaerder ha levenez hec'h ine,
Ma dousik koant ! (*diou wech*)



Kaer dreist peb tra ez eo ma muian karet,
Ma ferlezen !
He bleo ken flour a zo du ha klaouieret
War he zal gwen ;
He diou chod ru 'ro d'ei kemend a c'hened,
Ma laran drant
Ez eo ar c'hoantan en touez an holl verc'hed
Ma dousik koant ! (*diou wech*)



He mouez sklintin a gomz d'in ken frealzuz
En eur grena,
Ma trid em c'hereiz ma c'halonik evuruz
Ha leun a joa . . .
He c'hân zo kaer evel hini an eoned,
Eveltan drant,
Ouz e glevet 'nijan beteg ar stered,
Ma dousik koant ! (*diou wech*)

Evel ma plich d'an durzunel he c'hoajou,

Hi gar ive

Tremen didrouz en kreiz zioulder ar maeziou

He zam-bue;

Eno ar blijadur zo talvoudusoc'h

Evid are'hant,

En gwirione eno e karan muioc'h,

Ma dousik koant ! (*diou wech*)



Ma dousik koant !... Oh ! pa ven en he c'hichen,

Evurusted !

Siouaz, pell, pell diouti, pebez anken

Ha poan-spered...

Me a garfe tremen ma amzer dale'hmad

Hep nec'hamant,

Klevet he mouezik, gwelet he daoulagad,

Ma dousik koant ! (*diou wech*)



Ae'han d'an devez ma vefomp unanet

'N eil d'egile,

E hirvoudin d'am dousik meurbed karet

Ha noz, ha de...

Ha goude enpad hon zammik buegez

Me gano drant,

Da c'hortoz mont gand Doue d'al levenez,

Ma dousik koant ! (*diou wech*)



Moullet e ti A. LAJAT, ru ar

Feunteun, Montroulez, an

10 a viz ebrel 1907.